

ESTATUTOS DA FEDERACIÓN GALEGA DE MONTAÑISMO

TITULO I

DENOMINACIÓN, OBXECTO E ACTIVIDADES

CAPÍTULO PRIMEIRO DENOMINACIÓN

Artigo 1º.- A Federación Galega de Montañismo (en adiante F.G.M.) constituíuse o 23 de outubro de 1.963 baixo a denominación de "Federación Galaica de Montañismo", pasando a chamarse despois "Federación Gallega de Montañismo" e máis tarde "Federación Galega de Montañismo".

a).- A F.G.M. é unha entidade privada, de utilidade pública, sen ánimo de lucro, que goza de personalidade xurídica, patrimonio propio e plena capacidade de obrar para o cumprimento dos seus fins.

b).- A F.G.M. reúne dentro do territorio galego, ás asociacións, clubs deportivos, técnicos, xuíces e árbitros, e deportistas, dedicados á práctica ou competición dos deportes de montaña ou escalada en todas e cada unha das modalidades que máis adiante se especifican.

c).- A F.G.M. declárase á marxe de calquera afiliación política, confesión relixiosa ou clasificación social e rexerase polo disposto na Lei 3/2012 do 2 de abril do Deporte de Galicia, polas súas normas de desenvolvemento, polos presentes estatutos e os regulamentos debidamente aprobados e polas demais normas legais ou federativas que resulten aplicables.

CAPÍTULO SEGUNDO OBXECTO


Artigo 2º.- É obxecto da F.G.M. como ente asociativo:

1).- Apoiar técnica, administrativa e economicamente ós deportes de montaña e escalada en tódas e cada unha das súas modalidades no territorio galego, e en actividades federativas que realicen galegos afiliados á F.G.M. fóra de Galicia.

2).- Aglutinar e prestar apoio ós deportistas que desenvolvan a súa actividade en calquera das modalidades que comprenden os deportes de montaña e/ou escalada, e potenciar a realización dos oportunos cursos de iniciación, perfeccionamento, alto nivel e de titulación, incluíndo tamén a árbitros e xuíces de competicións.

3).- Representar oficialmente e de maneira exclusiva ós deportes de montaña e á escalada galegos ante os organismos e institucións autonómicas e estatais, e tamén difundir as normas e recomendacións emanadas dos mesmos. Ostentar a representación de Galicia nas actividades e competicións deportivas de carácter estatal celebradas fóra e dentro do territorio galego.

4).- Traballar e colaborar na protección do medio natural co obxectivo prioritario de preservalo de accións que modifiquen o seu estado natural inicial, e intervir ante os entes públicos e/ou privados con responsabilidades e/ou relacionados con estas cuestións.



5).- Estimular e potenciar entre os cidadáns, a práctica dos deportes de montaña e/ou escalada en todas e cada unha das súas modalidades.

6).- Colaborar e poñer en práctica os mecanismos necesarios para incrementar a seguridade na práctica destes deportes.

7).- Difundir o coñecemento das belezaas naturais que se atopan no ámbito da montaña, prestando o apoio e colaboración precisos para a construción e conservación de camiños, sendeiros e refuxios, así como a confección de mapas, guías e monografías, e a publicación, realización e organización de revistas, películas, conferencias, etc.

8).- Desenvolver e fomentar os estudos e traballos xa sexan científicos, artísticos, de divulgación ou de calquera outra índole que estean relacionados coa montaña e/ou coas modalidades deportivas que esta F.G.M. acolle.

9).- Fomentar e colaborar en actividades científicas como investigacións e exploracións xeolóxicas, xeográficas, metereolóxicas, fauna, flora, etc. e calquera outra relacionada co medio natural.

10).- Xestionar ante organismos públicos e/ou privados os apoios e axudas de toda índole que sexan necesarios ou útiles para os deportes de montaña e a escalada.

CAPÍTULO TERCEIRO ACTIVIDADES

Artigo 3º.- Os deportes de montaña e a escalada comprenden:

1).- As excursións e travesías na baixa, media e alta montaña en todas as súas modalidades e/ou combinacións (deportivas, turísticas, entorno natural, culturais e científicas).

2).- A acampada con fins alpinísticos ou montañeiros fóra das instalacións comerciais.

3).- As excursións e percorridos por barrancos, canóns e desfiladeiros en todas as súas modalidades e/ou combinacións (deportivas, turísticas, entorno natural, culturais e científicas).

4).- O alpinismo en todas as súas modalidades e/ou combinacións (con esquís, alta montaña en todas as épocas do ano, expedicións, "trekking", etc.)

5).- O esquí de travesía ou de montaña fóra do ámbito das estacións de esquí comerciais.

6).- Os percorridos e travesías por montaña con raquetas de neve.

7).- O sendeirismo (sendeiros de gran e pequeno percorrido sinalizados de acordo coa normativa internacional), incluídas as actividades necesarias para a apertura, sinalización, mantemento e divulgación dos camiños e sendeiros.

8).- A escalada en todas as súas modalidades e/ou combinacións (en rocha, en xeo, deportiva, urbana, etc.)

9).- As probas e competicións (travesías e circuitos pedestres por baixa, media e alta montaña, travesías e circuitos de esquí de montaña, con raquetas de neve, marchas reguladas por montaña, competicións de escalada ó aire libre e en instalacións cubertas).

10).- Os espectáculos deportivos relacionados cos deportes de montaña e/ou escalada.





11).- As carreiras por montaña en todas as súas modalidades.

Artigo 4º.- Terán a consideración de actividades afíns ós deportes de montaña e a escalada aquelas que os complementen cultural e cívicamente. A título enunciativo terán tal consideración as seguintes:

1).- Actividades e estudos científicos, investigacións e exploracións sobre o medio natural tales como xeolóxicas, xeográficas, meteorolóxicas, astronómicas, toponímicas e as súas relacións co folclore, a música e a lingüística.

2).- Actividades, traballos, estudos, e investigacións con referencia ós aspectos médicos relacionados cos deportes de montaña e/ou escalada.

3).- Actividades e traballos destinados á protección e defensa do medio natural e ó estudio e conservación do solo, a fauna, a flora e o patrimonio natural, paisaxístico e arquitectónico.

4).- Estudos, traballos, exposición, proxeccións, congresos, xornadas, concursos e cursos relacionados con aspectos científicos e humanísticos relacionados cos deportes de montaña e/ou escalada.

5).- A confección e edicións de libros, mapas, guías, monografías e revistas especializadas para unha mellor información e desenvolvemento dos deportes de montaña e/ou escalada.

6).- A construción, acondicionamento e mantemento de refuxios de montaña, terreos de acampada e muros naturais e artificiais de escalada.

7).- O estudio e planificación do turismo pedestre ou sendeirismo con actividades e traballos destinados ó desenvolvemento do "turismo verde" ou difuso, no ámbito da montaña.

Artigo 5º.- A Federación Galega de Montañismo, dentro da súa actividade na Comunidade Autónoma de Galicia, ademais das súas funcións propias de promoción, goberno, administración, xestión e organización do MONTAÑISMO, exercerá, baixo a coordinación e tutela da Administración Deportiva Autonómica, as seguintes funcións públicas de carácter administrativo.

1. A Federación Galega de Montañismo exercerá as funcións que lle atribúan os seus estatutos, así como aquelas de carácter público que se delegan na Lei do Deporte de Galicia 3/2012 do 2 de abril.

2. A Federación galega de Montañismo exercerá como funcións propias as seguintes:

a) A convocatoria das seleccións deportivas da súa modalidade deportiva e a designación dos deportistas que as integren.

b) Colaborar coas administracións públicas e coa federación española correspondente, así como coas restantes entidades deportivas, na promoción das súas respectivas modalidades.

c) Colaborar coa Administración deportiva autonómica na execución dos plans e programas dos deportistas galegos de alto nivel.

d) De ser o caso, e conforme a normativa que sexa aplicable, colaborar e/ou organizar as competicións oficiais e actividades deportivas de carácter estatal ou internacional que se realicen no territorio da Comunidade Autónoma de Galicia.

e) Elaborar os seus propios regulamentos deportivos.

f) Colaborar coa Administración deportiva autonómica na formación de adestradores, xuíces e árbitros segundo a normativa que sexa aplicable.

3. Os actos adoptados pola Federación Galega de Montañismo no exercicio das funcións públicas de carácter administrativo son susceptibles de recurso administrativo ante o Comité Galego de Xustiza Deportiva.

4. Son funcións públicas delegadas que exerceranse en réxime de exclusividade pola Federación Galega de Montañismo.



Galega de Montañismo, as seguintes:

- a) Representar á Comunidade Autónoma de Galicia nas actividades e competicións deportivas da súa modalidade, consonte a normativa que lle sexa aplicable.
- b) Organizar as competicións oficiais autonómicas federadas.
- c) Expedir licenzas deportivas para a práctica da súa modalidade deportiva nos termos establecidos na lei do deporte de Galicia 3/2012 do 2 de abril.
- d) Asignar as subvencións e as axudas de carácter público concedidas a través da federación e controlar que os seus asociados lles dean unha correcta aplicación.
- e) Garantir o cumprimento das normas de réxime electoral nos procesos de elección dos seus órganos representativos e de goberno, así como dos demais dereitos e obrigas derivados do cumprimento dos seus respectivos estatutos.
- f) Exercer a potestade disciplinaria nos termos establecidos na lei do deporte de Galicia 3/2012 do 2 de abril e polas súas disposicións de desenvolvemento, de acordo cos seus respectivos estatutos e regulamentos.
- g) Executar, de ser o caso, as resolucións do Comité Galego de Xustiza Deportiva.
- h) Colaborar coas administracións públicas competentes na prevención, no control e na represión do uso de substancias e grupos farmacolóxicos prohibidos, así como na prevención da violencia no deporte. Para estes efectos, e entre outras accións, a Federación Galega de Montañismo instruirá e resolverá os expedientes sancionadores que no ámbito da dopaxe se substancien, consonte o establecido no título VIII na lei do deporte de Galicia 3/2012 do 2 de abril.
- i) Calquera outra que regulamentariamente se determine.

5. As funcións públicas delegadas serán exercidas pola Federación Galega de Montañismo baixo a tutela da Administración deportiva, que, conforme se determine regulamentariamente, procederá á súa asunción nos casos de extinción da federación ou cando esta se atope en situación concursal. A Federación Galega de Montañismo exercerá as funcións públicas delegadas de forma directa, sen que poidan ser obxecto de delegación ou exercicio por ningunha substitución, sen autorización da Administración deportiva.

TITULO II

DOMICILIO, LOCAIS E INSTALACIÓNS

Artigo 6º.- O domicilio da F.G.M. atópase en Vigo. Rúa Luis Ksado, 17- of. 10 – C.P. 36.209

Por acordo da Asemblea Xeral, a proposta da Xunta directiva, dito enderezo poderá trasladarse a calquera outro lugar dentro da Comunidade Autónoma.

O traslado de domicilio dentro do mesmo termo municipal, non terá a consideración de modificación de Estatutos, non sendo de aplicación neste suposto, os requisitos e formalidades previsto no título XV dos presentes Estatutos.

Por acordo da Comisión Delegada, a proposta da Xunta Directiva, poderase establecer oficinas técnicas naquelas localidades que pola súa importancia e actividade xustifiquen esta medida.

TITULO III

ESTAMENTOS FEDERATIVOS

Artigo 7º.- Tendo en conta a natureza dos deportes de montaña e escalada, no seo da F.G.M. existirán os seguintes estamentos:



- Clubes, Asociacións e Seccións Deportivas.
- Deportistas.
- Técnicos.
- Xuíces e árbitros.

Artigo 8º.- Os Clubes deportivos e asociacións constituídos de forma válida, con arranxo á lexislación vixente, integraranse a petición propia na F.G.M. sempre que o seu domicilio social estea dentro da Comunidade Autónoma Galega, e sempre que acepten e se comprometan a observar e cumprir os Estatutos da F.G.M. e da F.E.D.M.E. e a someterse á autoridade dos órganos federativos en relación coas materias da súa competencia.

Artigo 9º.- Polo que se refiren a deportistas, técnicos, xuíces e árbitros, seguiranse para súa integración na F.G.M. os mesmos criterios que o artigo anterior.

Artigo 10º.- A integración na F.G.M. producirase mediante a concesión por parte desta da licenza deportiva.

TÍTULO IV

ESTRUCTURA ORGÁNICA XERAL DA F.G.M.

Artigo 11º.- Son órganos superiores de representación e goberno da F.G.M.:

- a). Necessarios:
 - A Asemblea Xeral
 - A Comisión Delegada
 - O Presidente

- b). Complementarios:
 - A Xunta Directiva
 - O Secretario Xeral
 - O Xerente
 - O Director Técnico

De acordo coas necesidades poderán existir:

- Presidentes de Comités
- Asesores.

Artigo 12º.- Con carácter xeral, serán requisitos para ser membro de calquera dos órganos da F.G.M.

- 1) Ter a condición de cidadán de Galicia, segundo o que dispón o Estatuto de Autonomía.
- 2) Ser maior de idade.
- 3) Estar en pleno uso dos dereitos civís.
- 4) Non estar suxeito a sanción disciplinaria deportiva de carácter inhabilitante, nin ter sido condenado por sentenza xudicial firme que implique inhabilitación.
- 5) Os demais que puideran establecerse na normativa vixente.
- 6) A responsabilidade dos membros dos órganos da Federación no exercicio das súas funcións será esixida no ámbito disciplinario de conformidade coa Lei 3/2012 do Deporte de Galicia e nos ámbitos administrativo, civil e penal de acordo coa lexislación.

Artigo 13º.- A Xunta Electoral estará composta por tres membros titulares e tres suplentes maiores de idade eleixidos por sorteo na Asemblea Xeral, entre persoas que presenten a súa candidatura a membros da xunta electoral. As candidaturas deberánse presentar na mesma asemblea en que se celebra a elección.



lugar a súa elección, e poderán estar os candidatos presentes nela.

No caso de non presentación de candidatos a membros da xunta electoral, o presidente da federación proporalle á asemblea os membros necesarios para completar esta, os cales deberán así mesmo reunir os requisitos definidos no punto anterior.

Artigo 14º.- A duración dos cargos será de catro anos coincidindo cos anos dos xogos olímpicos de inverno, podendo ser reelixido, salvo o disposto no artigo 28 destes Estatutos, en relación co Presidente.

Artigo 15º.- En caso de substitución, os substituídos desempeñarán os seus cargos ata o primeiro ano olímpico, momento en que deberan renovarse os cargos.

CAPÍTULO PRIMEIRO A ASEMBLEA XERAL

Artigo 16º.- A Asemblea Xeral e o órgano Superior da F.G.M., e nela estarán representados os seguintes estamentos:

- a) Deportistas
- b) Clubes, Asociacións e Seccións Deportivas
- c) Xuíces e árbitros
- d) Técnicos

Estes representantes na Asemblea Xeral terán a consideración de electores e elixibles en representación do estamento ó que pertencen:

- 1) Os deportistas maiores de idade, en pleno exercicio dos seus dereitos civís, que teñan licencia en vigor expedida ata o momento da convocatoria das eleccións e que cumpran os demais requisitos previstos na norma autonómica que resulte de aplicación.
- 2) As entidades deportivas inscritas na F.G.M. e no Rexistro de Entidades Deportivas e Deportistas de Galicia e cumpran os demais requisitos previstos na norma autonómica de aplicación.
- 3) Os técnicos con titulación oficialmente recoñecida, xuíces e árbitros, en idénticas circunstancias que as sinaladas no parágrafo 1.

Os membros da Asemblea Xeral formarán parte dela mentres cumpran os requisitos polos que foron elixidos no seu respectivo estamento. De producirse unha vacante será cuberta co seguinte candidato máis votado.

No seu seo constituirase unha Comisión Delegada coa composición e facultades que se determinan nestes Estatutos.

A Asemblea Xeral poderá reunirse en Pleno ou en Comisión Delegada e as reunións poderán ter carácter ordinario ou extraordinario.

Artigo 17º.-

17.1 A representación na Asemblea Xeral dos distintos estamentos responderán ás seguintes proporcións:

- Entidades deportivas e clubs: dun 60% a un 75%
- Deportistas: ata un máximo dun 20%
- Técnicos: ata un máximo dun 5%
- Xuíces e árbitros: ata un máximo dun 5%

17.2 O número de membros da Asemblea Xeral fixarase na convocatoria de eleccións á mesma.

Artigo 18º.- Son facultades da Asemblea Xeral reunida en sesión plenaria:

- 1). A aprobación do presuposto anual e súa liquidación, como tamén da xestión económica da F.G.M. .
- 2). A aprobación do calendario deportivo.
- 3). A elección e o cese do Presidente.
- 4). A aprobación e modificación dos presentes Estatutos.
- 5). A construción ou compra de bens inmobles.
- 6). O gravame ou enaxenación dos anteriores bens, cando o importe sexa superior ó presuposto da F.G.M.



- 7). A aceptación de doazóns, herdanzas, cesións ou outros que constitúan dereitos reais.
- 8). A emisión de bonos, pagarés, obrigacións, etc. e a solicitude de créditos a mais de un ano.
- 9). A constitución de hipotecas ou outros gravames que representen garantías reais sobre bens patrimoniais da F.G.M..
- 10). A fixación de cotas ou derramas extraordinarias.
- 11). A decisión de disolver a F.G.M.
- 12). Calquera outra que estea prevista nos presentes Estatutos, e, en xeral, tódalas aquelas que non estean atribuídas expresamente a outros órganos da F.G.M..

Artigo 19º.- a) A F.G.M. pode gravar ou enaxenar os seus bens inmobles tomar diñeiro a préstamo e emitir títulos representativos de débeda ou de parte alicuota patrimonial, sempre que ditos negocios xurídicos non comprometan de xeito irreversible o seu patrimonio, ou do seu obxecto social. En todo caso cando a cuantía sobrepase o 25% do presuposto anual da F.G.M., ademais do acordo da Asemblea Xeral, será imprescindible o informe favorable da Secretaría Xeral para o Deporte. Se se trata de bens inmobles que fosen financiados en todo ou parte, con fondos públicos da Comunidade Autónoma Galega, será preceptiva a autorización da Secretaría Xeral para o Deporte para o seu gravame ou enaxenación.

b) A F.G.M. pode exercer, complementariamente, actividades de carácter industrial, comercial, profesional, ou de servizos e destíñanlos seus bens e recursos ós mesmos obxectivos deportivos, pero en ningún caso poderán repartir beneficios entre os seus membros.

c) Non se poderán comprometer gastos de carácter plurianual, nun período de mandato, sen autorización previa da Secretaría Xeral para o Deporte, cando o gasto anual comprometido supere un 10% do presuposto e rebase o período de mandato do presidente.

d) A Asemblea Xeral terá que reunirse necesariamente, ó menos, unha vez ó ano en sesión plenaria para os fins da súa competencia.

e) A convocatoria, que deberá conter a orde do día da reunión, farase pública no taboleiro de anuncios da federación con 10 días de antelación á data de celebración. En todo caso notificarase individualmente a cada un dos membros da asemblea, por calquera medio que permita ter constancia da data de recepción da mesma, cunha antelación mínima de 72 horas.

f) A Asemblea Xeral quedará validamente constituída cando concorran na primeira convocatoria a metade máis un dos seus membros, e na segunda convocatoria, que terá lugar media hora máis tarde, calquera que sexa o número de asistentes.

As demais reunións terán carácter extraordinario e poderán ser convocadas a iniciativa do presidente, Comisión Delegada por maioría, o por un número de membros da Asemblea que non sexa inferior ó 25%.

En todo caso, haberán de ter carácter extraordinario aquelas Asembleas no que no orde do día figuren a toma de acordos sobre todos ó algúns dos extremos comprendidos nos números 3 ó 10 ámbos inclusive dos numerados no artigo anterior, ou naqueles outros supostos que así o estableceran os presentes Estatutos.

Artigo 20º.- A Comisión Delegada estará integrada por 6 membros, tres representantes de Entidades e tres de Deportistas.

A forma da súa elección será a que se estableza no Regulamento-Electoral da F.G.M..
Presidiraa o Presidente da F.G.M..

Artigo 21º.- Serán facultades da Comisión Delegada:

- 1).-A modificación do calendario deportivo.
- 2).-A elaboración dun informe previo á aprobación dos presupostos.
- 3).-A modificación dos presupostos.
- 4).-A aprobación e modificación de Regulamentos.
- 5).-O seguimento da xestión tanto deportiva como económica da F.G.M., elaborando un informe anual para a Asemblea Xeral sobre a memoria anual de actividades e a liquidación do presuposto.
- 6).-Calquera outras que se establezan.



Artigo 22º.- A proposta sobre os temas a tratar, incluídos nos apartados 1, 3 e 4 do anterior artigo, corresponde ó Presidente da Federación ou a dous tercios dos membros da propia Comisión Delegada. As modificacións non poderán exceder dos límites e criterios fixados, no seu caso, pola Asemblea Xeral.

Artigo 23º.- A Comisión Delegada reunirase, como mínimo, unha vez cada catro meses, a proposta do seu presidente e o seu mandato coincidirá co da Asemblea Xeral.

CAPÍTULO SEGUNDO O PRESIDENTE

Artigo 24º.- O Presidente é o órgano executivo da F.G.M..

- Ostenta a representación legal da F.G.M..
- Convoca e preside os órganos colexiados de goberno e representación.
- Executa os acordos dos anteriores órganos.

Artigo 25º.- En caso de ausencia ou por incapacidade temporal do Presidente será substituído polo Vicepresidente ou por outro vocal de maior idade.

Artigo 26º.- O desempeño do cargo de presidente da F.G.M. será causa de incompatibilidade para ocupar cargos directivos en Clubes deportivos propios da mesma Federación. Asimesmo o cargo de presidente é incompatible para ocupar cargos técnicos da propia federación. O cargo de Presidente da F.G.M. poderá ser retribuído, sempre que tal acordo, así como a cuantía de remuneración, sexan aprobados pola maioría simple da Asemblea Xeral.

Artigo 27º.- O Presidente deberá estar en posesión da licencia federativa e poderá participar como deportista en tódalas probas e actividades.

Artigo 28º.- Os candidatos a Presidente, deberán avalar a presentación da súa candidatura, mediante a sinatura de, ó menos, o 10% dos membros da Asemblea.

Artigo 29º.- Será elixido Presidente o candidato que obteña a maioría absoluta dos votos dos membros presentes. No caso de que ningún candidato alcance esta maioría, procederase a unha segunda votación entre os dous candidatos máis votados, resultando elixido o que obteña a maioría dos votos.

Artigo 30º.- O Presidente gozará de voto de calidade en caso de empate naquelas decisións a adoptar polos órganos que preside.

CAPÍTULO TERCEIRO A XUNTA DIRECTIVA

Artigo 31º.- A Xunta Directiva é o órgano colexiado de xestión da F.G.M..

Artigo 32º.- A Xunta Directiva estará composta por:

- O Presidente da F.G.M.
- Os Vicepresidentes
- Os Vocais

Ademais formarán parte da Xunta Directiva, caso de non ser cargos remunerados:

- O Secretario Xeral
- O Tesoureiro
- O Director Técnico

Handwritten signatures and stamps at the bottom left of the page. There are several overlapping signatures in black ink. A circular stamp is partially visible, containing the text 'SECRETARÍA XERAL DE DEPORTE' and 'XUNTA DE GALICIA'.

Artigo 33º.- O nomeamento ou a renovación dos membros dos órganos de goberno e representación, dos órganos complementarios, e dos comités que puidesen crearse dentro da F.G.M. deberán ser comunicados a todos os membros da Asemblea Xeral e á Secretaría Xeral para o Deporte nun prazo máximo de 15 días a partir da data de nomeamento.

Artigo 34º.- Tódos os cargos da Xunta Directiva, a excepción do dito para o Presidente no artigo 26, serán honoríficos.

Artigo 35º.- A Xunta Directiva reunirse en sesión ordinaria, ó menos, unha vez ó mes. A Convocatoria faráa o Presidente, notificando ós seus membros, por calquera medio que asegure a súa recepción, ó menos, cunha antelación de 48 horas, acompañando a Orde do Día. As sesións convocadas con carácter urxente serán sempre extraordinarias.

Artigo 36º.- A validez das reunións da Xunta Directiva requirirá que concorran, en primeira convocatoria, a maioría dos seus membros e, en segunda, -transcorrida media hora da primeira-, será válida calquera que sexa o número dos seus asistentes, sempre que fosen un mínimo de tres.

Artigo 37º.- Os membros da Xunta Directiva deberán estar en posesión da licenza federativa e poderán participar como deportistas en tódalas probas e actividades.

Artigo 38º.- Os órganos federativos poderán convocar igualmente ós cargos remunerados, se os houberse, Presidentes de Comités e Asesores, que requiran en cada caso, para recabar o seu informe sobre cuestións que crean oportunas.

Os cargos remunerados, Presidentes de Comités e Asesores, actuarán nas reunións ás que fosen convocados, con voz pero sen voto.




Artigo 39º.- Réxime de responsabilidade do Presidente e membros da Xunta Directiva:

1.- O Presidente, membros da Xunta Directiva ou dos órganos de dirección que puidesen estatutariamente establecerse serán persoalmente responsables, fronte a propia federación, fronte os seus membros ou terceiros:

- a) Das obrigas que contraese a Federación e que non teñan, ou tiñesen, o adecuado apoio contable, non figuren nas contas presentadas e aprobadas, ou sexan obxecto dunha contabilización que non reflecta a natureza e o alcance da obriga en cuestión, e que distorsione a imaxe fiel que debe producir aquela.
- b) Das obrigas que contraese contra a prohibición expresa doutros órganos federativos competentes ou da Administración Autonómica, así como das obrigas que impliquen un déficit non autorizado ou fóra dos límites da autorización.
- c) En xeral, dos actos ou omisións que supoñan un prexuízo para á federación cando sexan realizados vulnerando normas de obrigado cumprimento.

2.- A responsabilidade descrita na liña anterior poderase esixir no caso de existencia de dolo ou culpa na actuación dos suxeitos responsables. En todo caso, quedarán exentos de responsabilidade aqueles que votasen en contra do acordo ou non interviniesen na súa adopción ou execución, ou aqueles que o descoñecesen ou, coñecendo, se opuxesen expresamente a aquel.

3.- A responsabilidade regulada no presente artigo é independente da responsabilidade disciplinaria na que se puidese incurrir, e que se esixirá conforme ás disposicións xerais da lei 3/2012.



CAPÍTULO CUARTO O SECRETARIO XERAL

Artigo 40º.- O Secretario Xeral, desempeña funcións de fedatario e coordinador das tarefas administrativas, asistindo permanentemente a todos os órganos de goberno e representación da F.G.M., actuando como secretario dos mesmos.
Igualmente poderá asistir ós órganos técnicos, e en tal caso actuará tamén como secretario de tales órganos.

Artigo 41º.- O cargo de Secretario Xeral poderá ser remunerado, tendo, neste caso, a consideración de persoal laboral ó servizo da F.G.M., con aplicación ó disposto no Estatuto dos Traballadores e demais normativa social vixente.

Neste suposto, o Secretario Xeral deixará de pertencer automaticamente á Xunta Directiva, pasando a constituírse como órgano técnico e, como tal, asistirá ás reunións dos órganos de representación e goberno con voz e sen voto.

Artigo 42º.- As competencias do Secretario Xeral serán as seguintes:

- Ostenta, por delegación do Presidente da F.G.M., a xefatura do persoal laboral ó seu servizo.
- Coordina a actuación dos diversos órganos da F.G.M..
- Prepara a resolución e despacho de todos os asuntos.
- Prepara as reunións dos órganos de goberno, levanta actas das reunións e é responsable do mantemento e custodia dos libros de actas, expedindo as oportunas certificacións dos acordos, co visto e prace do Presidente.
- Recibe e expide a correspondencia da F.G.M. na súa sé social, levando un rexistro de entrada e saída da mesma.
- Organiza, mantén e custodia os arquivos da F.G.M..
- Prepara a memoria anual da F.G.M. para a súa presentación á Comisión Delegada e a Asemblea Xeral.
- Remite á Secretaría Xeral para o Deporte as actas das reunións da Asemblea Xeral e da Comisión Delegada, nun prazo de 15 días dende a data da súa celebración.
- O control e a fiscalización interna da xestión económico-financiera e orzamentaria, así como a de contabilidade e tesourería, no caso de non existir a figura do tesoureiro.

CAPÍTULO QUINTO O TESOUREIRO


Artigo 43º.- O Tesoureiro é o órgano de administración da F.G.M. ó cal lle están encomendados, en xeral, os asuntos de contido económico.

O cargo de Tesoureiro poderá ser remunerado, tendo neste caso, a consideración de persoal laboral ó servizo da F.G.M., con aplicación ó disposto no Estatuto dos Traballadores e demais normativa social vixente.

Neste suposto, o Tesoureiro deixará de pertencer automaticamente á Xunta Directiva pasando a constituírse como órgano técnico e, como tal, asistirá ás reunións dos órganos de representación e goberno con voz pero sen voto.

Artigo 44º.- O Tesoureiro:

- Coidará das operacións de cobros e pagos.
- Autorizará coa súa sinatura, mancomunada coa do Presidente ou a da persoa designada ó efecto pola Xunta Directiva, tódolos documentos de movementos de fondos.
- Será responsable do mantemento dos libros de contabilidade, arquivo dos documentos contables e todo o concernente con ese departamento.



- Formulará os balances que periodicamente se teñan que presentar á Xunta Directiva, á Comisión Delegada, á Asemblea Xeral e ós organismos e institucións que teñan facultade de solicitalos.
- Controlará os gastos dos Comités Técnicos, a tales efectos deberá coñecer as actas das reunións cos asistentes ás mesmas.

CAPÍTULO SEXTO O DIRECTOR TÉCNICO

Artigo 45º.- O Director Técnico da F.G.M. desempeñará as funcións de asesoramento, representación e executivas, que lle asigne o Presidente da F.G.M.

Artigo 46º.- O cargo de Director Técnico poderá ser remunerado tendo, neste caso, a consideración de persoal laboral ó servicio da F.G.M., sendo de aplicación nos parágrafos segundo e terceiro do artigo 43.

Artigo 47º.- As competencias e cometidos asignados ó Director Técnico serán fundamentalmente a coordinación, control e supervisión no seu conxunto das áreas técnicas que se lle asignen. Preparará as reunións dos órganos técnicos, e remitirá as actas das mesmas ó Tesoureiro a efectos contables e económicos.

Estanlle encomendados os seguintes Comités Técnicos:

- E.G.A.M. (Escola Galega de Alta Montaña)
- Comité de Escalada Deportiva e de Competición.
- Comité de Xuíces e Árbitros.
- Calquera outro que lles sexa designado posteriormente.

CAPÍTULO SÉTIMO ASESORES

Artigo 48º.- Os órganos federativos existirá un número sen determinar de Asesores.

Consideraranse Asesores aquelas persoas que pola súa cualificación e experiencia profesional ou titulación académica podan aportar coñecementos técnicos necesarios ou útiles para a boa marcha da F.G.M.. Así existiran:

- Asesoría Médica.
- Asesoría de Socorro e Salvamento en Montaña.
- Asesoría Xurídica.
- Asesoría de Protección da Natureza.

Ademais poderá existir calquera outra que sexa establecida con posterioridade.


Existirá un responsable da Asesoría correspondente e un grupo de colaboradores que este estime oportuno.

Dependendo da importancia e estrutura que de acordo con o seu cometido adquiren as Asesorías, estas poderán adquirir, por acordo da Xunta Directiva, rango de Comité Técnico sen que por elo supoña a modificación de Estatutos.

TÍTULO V

ORGANIZACIÓN TERRITORIAL

Artigo 49º.- A F.G.M. está estruturada en Clubes e Asociacións de Montaña.

The bottom of the page features several handwritten signatures and official stamps. On the left, there is a large, stylized signature. In the center, there is a circular stamp with the text 'COMISIÓN DELEGADA DE GALICIA' and 'SECRETARÍA XERAL PARA O DEPORTE'. To the right of this stamp is another signature. On the far right, there is a circular official stamp of the 'XUNTA DE GALICIA' with the text 'SECRETARÍA XERAL PARA O DEPORTE' and 'PRESIDENCIA'.

TITULO VI

INTEGRACIÓN DOS CLUBES E ASOCIACIÓN

Artigo 50º.- Para que os membros dos Clubes e Asociacións así como as seccións deportivas previstas na lei 3/2013 Art 51.1, podan participar en competicións e actividades deportivas de ámbito territorial, estatal ou internacional e podan acceder a calquera outro dereito recoñecido ós federados neste deporte, deberán, ditos Clubes e Asociacións e Seccións integrarse a petición propia no seo da F.G.M..

Artigo 51º.- A integración dos clubes e asociacións solicitarase da F.G.M., liberándose para isto, por persoa con facultades suficientes, certificación do acordo polo que se expresa a vontade inequívoca do club que se trate, de integrarse libre e espontaneamente no seo da F.G.M..

Artigo 52º.- A integración suporá a aceptación incondicional por parte dos clubes e asociacións das normas contidas nos presentes Estatutos, así como os emanados da Administración Deportiva Autonómica e será necesaria a adaptación dos seus propios Estatutos á presente norma e demais concordantes. Todos os membros das Xuntas Directivas dos Clubes adscritos, deberán estar en posesión da licenza federativa anual.

Artigo 53º.- Os Clubes integrados na F.G.M. conservarán a súa personalidade xurídica, o seu patrimonio propio e diferenciado e o seu presuposto e réxime xurídico particular.

Artigo 54º.- A súa representación ante a F.G.M. virá asegurada a través do Presidente de cada Club, sempre que sexa membro da Asemblea Xeral.

Artigo 55º.- Á hora de determinar os representantes que haberán de formar parte da Asemblea Xeral da F.G.M., por cada estamento, aplicarase un criterio de estricta proporcionalidade.

Artigo 56º.- En competicións oficiais de ámbito territorial, a potestade disciplinaria deportiva sobre os federados, con independencia do Club ó que estean adscritos, exercerase de acordo co que dispoña o Regulamento Disciplinario da F.G.M..

Artigo 57º.- A F.G.M. poderá establecer delegacións territoriais naquelas comarcas que o estime oportuno.

TÍTULO VII

DEREITOS E DEBERES DOS MEMBROS DA FEDERACIÓN

CAPÍTULO PRIMEIRO

DEREITOS E DEBERES DOS MEMBROS DOS ÓRGANOS DE GOBERNO

Artigo 58º.- Os membros dos órganos federativos terán dereito a:

- a).- Participar nas deliberacións, expresando as súas opinións.
- b).- Exercer o seu dereito de votar, razoando o seu voto en caso de que emitan voto particular nalgunha cuestión.
- c).- Desempeñar as súas funcións en canto membros do órgano ó que pertencen.



Artigo 59º.- Os deberes destes mesmos membros serán:

- a).- Acudir ás sesións dos órganos ós que pertencen.
- b).- Emitir o seu voto nas cuestións debatidas.
- c).- Dedicarse con dilixencia ós labores que lles foran encomendadas.
- d).- Gardar segredo naqueles asuntos que así o requiran.
- e).- Os demais que se establezan legal ou regulamentariamente.

CAPÍTULO SEGUNDO **DEREITOS E DEBERES DOS FEDERADOS**

Artigo 60º.- Todos os membros da F.G.M., en canto federados, terán os dereitos e obrigas que os presentes Estatutos e ordenamento xurídico lles recoñeza ou impoña.

Artigo 61º.- A F.G.M. non establecerá nin promoverá ningún tipo de discriminación entre os seus membros por razón de nacemento, raza, sexo, opinión ou calquera outra circunstancia persoal ou social.

Artigo 62º.- Con carácter xeral, todos os federados teñen o dereito a recibir a tutela da mesma respecto ós seus intereses deportivos lexítimos, así como o de participar nas actividades e no seu funcionamento, a través dos medios e canles establecidas.

Igualmente poderán participar na súa xestión, sendo electores e elixibles para os seus órganos de goberno, con arranxo ó disposto nas normas electorais vixentes en cada momento.

Artigo 63º.- Polo que se refire ás obrigas dos federados, como primeira dela e requisito indispensable para selo, será necesario estar en posesión da licenza deportiva, e por tanto, ó corrente de pago das cotas establecidas, así como ter en vigor o seguro obrigatorio. Dita expedición, será tramitada tras a súa solicitude polo interesado/a, a través dos clubs federados, e tras o abono das taxas correspondentes. A perda de condición de federado, será por inhabilitación segundo a Regulamento de Disciplina da F.G.M..

Serán tamén obrigas dos federados a aceptación e cumprimento dos Estatutos da F.G.M. e o sometemento á autoridade dos órganos federativos, en relación coas materias da súa competencia, sen prexuício do dereito a impugnar ou recorrer as súas decisións ante as instancias federativas correspondentes, acudindo incluso ante a xurisdicción competente.


Artigo 64º.- A condición de federado pode perderse polas seguintes causas:

- a) Pola disolución ou baixa no rexistro deportivo da Xunta de Galicia, da entidade deportiva.
- b) Renuncia Voluntaria.
- c) Por sanción disciplinaria imposta en forma regulamentaria que implique a baixa.

TÍTULO VIII

RESPONSABILIDADE DOS TITULARES E MEMBROS DOS ÓRGANOS FEDERATIVOS.

Artigo 65º.- Independentemente das responsabilidades penais, civís e administrativas que, de forma xeral, consagra o ordenamento xurídico, os membros dos diferentes órganos da F.G.M. son



responsables, especificamente, dos actos, resolucións, ou acordos adoptados por aquel de que formen parte.

Son así mesmo responsables, nos termos previstos na lexislación deportiva xeral, nos presentes Estatutos e disposicións de desenvolvemento, polo incumprimento dos acordos de calquera órgano federativo, normas xerais, ou comisión das faltas previstas no réxime disciplinario federativo.

Artigo 66º.- Estarán exentos de responsabilidade por adopción de acordos dos órganos colexiados da F.G.M. quen salvaran expresamente o seu voto ou se abstivesen motivadamente.

Artigo 67º.- Sen prexuício do anterior, a responsabilidade poderá ser esixida, por quen entenda que os seus dereitos foron lesionados ou se lle causou dano indemnizable, ante os órganos deportivos competentes, ou ben ante a xurisdicción que corresponda, por aqueles actos ou omisións que sexan susceptibles desto.

TÍTULO IX

ELECCIÓN E CESE DOS TITULARES DOS ÓRGANOS FEDERATIVOS DE GOBERNO E REPRESENTACIÓN

MOCIÓN DE CENSURA Ó PRESIDENTE DA F.G.M.

CAPÍTULO PRIMEIRO ELECCIÓN E CESE

Asemblea Xeral:

Artigo 68º.- Os membros da Asemblea Xeral serán elixidos cada catro anos, coincidindo cos anos nos que se celebren os Xogos Olímpicos de Inverno, mediante sufraxio libre e secreto, igual e dereito entre e polos compoñentes de cada estamento federativo.

Artigo 69º.- O proceso da elección da Asemblea Xeral, o seu número, composición, requisitos para ser electores e elixibles, e demais circunstancias, rexiranse polas normas vixentes, e en particular, polo disposto no Regulamento Electoral desta Federación.

Artigo 70º.- Os membros da Asemblea Xeral cesarán por:

- 1).-Pasamento
- 2).-Demisión
- 3).-Anulación do proceso electoral por resolución xudicial ou administrativa firme.

Presidente da F.G.M.:

Artigo 71º.- O Presidente da F.G.M. é elixido cada catro anos, coincidindo cos Xogos Olímpicos de Inverno, polos membros da Asemblea Xeral, que terá carácter extraordinario, mediante sufraxio libre, directo, igual e secreto. Os candidatos a presidente non teñen por que ser membros da Asemblea Xeral da Federación, pero deberán de estar federados cunha antigüedade mínima de dous anos inmediatamente anteriores a convocatoria das eleccións.

Artigo 72º.- A elección do Presidente axustarase ó establecido nas normas vixentes e, en particular ó disposto polo Regulamento Electoral desta Federación.
Para a súa elección non será válido o voto por correo.

Artigo 73º.- O Presidente da F.G.M. cesará por calquera dos motivos seguintes:



- 1).-Pasamento.
- 2).-Transcurso do período polo que foi elixido.
- 3).-Dimisión.
- 4).-Aprobación dunha moción de censura pola Asemblea Xeral.
- 5).-Incorrer nalgunha causa de incompatibilidade establecida na lexislación vixente ou nos presentes Estatutos, sempre que non renuncie á actividade ou cargo incompatible.
- 6).-Por atoparse incurso nalgunha causa de inelixibilidade.
- 7).-Anulación do proceso electoral por resolución xudicial ou administrativa firme.

Artigo 74º.- Vacante a Presidencia da F.G.M. por calquera das causas previstas, a Xunta Directiva procederá, de inmediato, a constituírse en Comisión Xestora, presidida por un dos Vicepresidentes, a cal convocará á Asemblea Xeral para celebrar eleccións, con arranxo ó previsto no Regulamento de Eleccións, nun prazo máximo de tres meses, coa fin de cubrir dita vacante.

Xunta Directiva:

Artigo 75º.- Os membros da Xunta Directiva serán designados e revocados libremente polo Presidente da F.G.M..

Artigo 76º.- Os membros da Xunta Directiva cesarán en todo caso por:

- 1).-Pasamento.
- 2).-Dimisión.
- 3).-Revocación do nomeamento.
- 4).-Incorrer nalgunha causa de incompatibilidade establecida na lexislación vixente ou nos presentes Estatutos, sempre que non renunciem á actividade ou cargo incompatibles.
- 5).-Anulación do proceso electoral por resolución xudicial ou administrativa firme.

O Secretario Xeral:

Artigo 77º.- O Secretario Xeral será de libre designación e revocación polo Presidente da F.G.M..

Artigo 78º.- O seu cese axustarase ó establecido con carácter xeral para os membros da Xunta Directiva.

Artigo 79º.- Se o seu cargo fose remunerado, as circunstancias da súa contratación e cese axustaranse ó previsto na lexislación vixente con arranxo á natureza da súa relación laboral.

O Tesoureiro e o Director Técnico:

Artigo 80º.- Para a designación e cese do Tesoureiro e do Director Técnico, serán de aplicación as mesmas normas que para o Secretario Xeral.

Presidentes de Comités e Asesores:

Artigo 81º.- Os Presidentes de Comités serán designados e revocados polo Presidente da F.G.M..

Os regulamentos internos de ditos Comités deberán ter sido aprobados pola Xunta Directiva e a Comisión Delegada.

Así mesmo, os Asesores serán designados e revocados libremente polo Presidente da F.G.M..

Artigo 82º.- En todo caso, o seu cese producirase por:

- 1).-Pasamento.
- 2).-Dimisión.
- 3).-Revocación do nomeamento.
- 4).-Anulación do proceso electoral por resolución xudicial ou administrativa firme.



CAPÍTULO SEGUNDO
MOCIÓN DE CENSURA O PRESIDENTE DA F.G.M.

Artigo 83º.- A moción de censura ó Presidente deberá proporse por un tercio, ó menos, dos membros da Asemblea Xeral.

Artigo 84º.- A moción de censura será presentada, por escrito, de forma razoada, motivada, e sempre será de forma constructiva, ó Presidente, que deberá convocar con carácter extraordinario á Asemblea Xeral en pleno para celebrar reunión nun prazo máximo de quince días, a partir da recepción do escrito, tratándose dita cuestión como único punto da Orde do Día.
A reunión poderase convocar, como mínimo, con setenta e dúas horas de antelación.

Artigo 85º.- Se o Presidente non convocase a Asemblea Xeral, a convocatoria poderá ser acordada pola Secretaría ou Secretaría Xeral para o Deporte, da Xunta de Galicia, naqueles casos contemplados no artigo 18 b) da Lei 3/2012, do 2 abril, do deporte de Galicia.

Artigo 86º.- A Asemblea constituirase validamente a estes efectos cando concorran tres cuartas partes dos seus membros en primeira convocatoria, ou calquera que sexa o seu número en segundo, cun mínimo de tres.

A sesión na que se debata moción de censura será presidida, con carácter extraordinario polo membro de maior idade.

A sesión comezará expoñendo os motivos da moción, tralo cal se dará a palabra ó Presidente para que expoña o que ó seu dereito conveña.

Para concluír, os asistentes emitirán os seus votos.

En ningún caso se admitirá para a moción de censura o voto por correo.

Artigo 87º.- Para que prospere dita moción será necesaria a súa aprobación por maioría absoluta de votos.

De obterse tal maioría, o Presidente cesará nas súas funcións, abríndose proceso electoral para elección do Presidente, con arranxo ó disposto no Regulamento de Eleccións.

Artigo 88º.- Caso de non prosperar, non se poderá intentar unha nova moción ata pasados seis meses da anterior.

Artigo 89º.- Con relación ó tempo que quede vacante a presidencia estara disposto no artigo 74 dos presentes Estatutos.

TÍTULO X

RÉXIME DE FUNCIONAMENTO XERAL E ADOPCIÓN DE ACORDOS

Artigo 90º.- A convocatoria dos órganos superiores colexiados de representación e goberno da F.G.M., corresponde ó seu Presidente, que é o da F.G.M., e deberá ser notificada ós seus membros, acompañada da Orde do Día, co prazo de antelación de, cando menos, 72 horas, salvo o disposto para a Xunta Directiva no artigo 35 dos presentes Estatutos ou cando existan razóns probadas de urxencia. Neste último suposto, a convocatoria deberá facerse cunha antelación non inferior a 24 horas.

Artigo 91º.- Non obstante o establecido no artigo anterior, será válida a constitución dos citados órganos, incluída a Xunta Directiva, inda que non se cumprisen os requisitos anteriores de convocatoria,



sempre que se encontren presentes tódolos seus membros e así o acorden unanimemente, fixando, previamente á sesión, a Orde do Día a tratar.

Artigo 92º.- Salvo para os casos nos que se estableza de forma expresa outra cousa, para a válida constitución dos órganos colexiados de goberno e representación será necesaria a asistencia, en primeira convocatoria, da metade máis un dos membros do mencionado órgano, sendo válida a reunión, en segunda convocatoria, calquera que sexa o número de asistentes sempre que non sexa inferior a tres.

Entre a primeira e segunda convocatoria, requerirase, como regra xeral, o transcurso de quince minutos.

Artigo 93º.- Os acordos dos órganos superiores colexiados de goberno e representación da F.G.M. adoptaranse por maioría simple de asistentes, salvo naqueles casos en que nestes Estatutos ou na lexislación vixente se establecece outra cousa.

Artigo 94º.- Ós efectos anteriores, existirá maioría simple cando voten favorablemente a metade máis un dos asistentes ás reunións que, polo seu quórum, quedasen validamente constituídas.

A maioría absoluta será a representada polos votos da metade máis un do número total de membros que legal, estatutaria ou regulamentariamente compoñan o órgano de que se trate.

Artigo 95º.- De tódolos acordos dos órganos superiores colexiados de goberno e representación da F.G.M., levantarase acta polo Secretario Xeral da mesma, especificando o nome dos que intervisen, e as demais circunstancias que se consideren oportunas, así como o resultado das votacións e, no seu caso, os votos particulares contrarios ó acordo adoptado.

Artigo 96º.- Con carácter xeral e salvo que expresamente se estableza outra cousa, non se admitirá o voto por correo.

Artigo 97º.- Tódolos acordos dos órganos superiores colexiados de representación e goberno da F.G.M., serán públicos, a través do taboleiro de anuncios da F.G.M. e mediante correo electrónico remitido a todos os membros da Asemblea salvo cando, por motivos xustificados e con carácter excepcional, se acorde o contrario por maioría de dous tercios dos seus membros, e existirá un réxime de impugnación aplicable os mesmos.

TÍTULO XI RÉXIME ECONÓMICO-FINANCIERO E PATRIMONIAL

Artigo 98º.- A F.G.M., que conta con patrimonio propio e presuposto, adaptará a súa contabilidade ás normas previstas para adaptación do Plan Xeral Contable das Federacións Deportivas. A Federación ten orzamento e patrimonio propios e deberá someter a súa contabilidade e o seu estado económico ou financeiro as prescricións legais.

Artigo 99º.- No mes de xaneiro de cada ano o Tesoureiro da F.G.M. confeccionará os estados financeiros previstos nas normas de adaptación no plan xeral de contabilidade para Federations Deportivas, así como a liquidación do presuposto do exercicio anterior, xunto coa correspondente Memoria explicativa, todo isto para o seu exame pola Xunta Directiva. O peche do exercicio económico anual da Federación será o 31 de decembro.

Artigo 100º.- Os anteriores estados financeiros serán presentados a Comisión Delegada, que, xunto co seu informe previo, farao chegar a Asemblea Xeral para a súa aprobación e os orzamentos deberán ser notificados a Administración deportiva autonómica.

Non poderá aprobarse un presuposto deficitario salvo autorización da Administración Deportiva



Autonómica.

Artigo 101º.- Constitúen os recursos da F.G.M.:

- 1).- As subvencións da Xunta de Galicia, e outros que puidesen recibirse da F.E.D.M.E., así como se é o caso doutros organismos públicos ou privados.
- 2).- Os bens e dereitos que integran o patrimonio da F.G.M., recibidos por herdanza, legado ou doazón en concepto de premio.
- 3).- As cotas dos afiliados.
- 4).- Os procedentes de sancións pecuniarias, que en uso da súa potestade disciplinaria lles sexan impostas ós seus afiliados.
- 5).- Os froitos e intereses dos seus bens patrimoniais.
- 6).- Os préstamos e créditos que lles sexan concedidos.
- 7).- Os ingresos que puideran obter pola organización de actos e competicións deportivas ou por contratos que realice.
- 8).- Os dereitos de inscrición e demais recursos que procedan das competicións organizadas pola federación.
- 9).- Calquera outro recurso que sexa capaz de xerar, de acordo coa normativa vixente, como todos aqueles que se lles atribúa por disposición legal ou convenio.

Artigo 102º.- A F.G.M. destinará a totalidade dos seus ingresos e do seu patrimonio á consecución dos fins propios do seu obxecto. Evidentemente non poderán repartirse beneficios entre os seus membros. Será necesaria a autorización da Administración Autonómica para a venda ou gravame dos bens inmóbeis, se a súa titularidade corresponde a federación e que fosen financiadas en todo ou en parte, con fondos públicos. Así mesmo, requirirase igual autorización, cando a federación pretenda comprometer gastos de carácter plurianual ou cando a natureza do gasto, ou a porcentaxe deste en relación co seu presuposto, vulneren os criterios que regulamentariamente se determinen. Esta autorización poderase consignar nos contratos, programa que se poidan asinar entre a Administración Deportiva Autonómica.

TÍTULO XII

RÉXIME DOCUMENTAL

Artigo 103º.- A custodia e mantemento da documentación e arquivos da F.G.M. corresponderalle ó Secretario Xeral, así como a expedición de certificacións e acordos que procedan a Administración Autonómica Deportiva.

Artigo 104º.- A F.G.M. ademais de todos aqueles Rexistros ou Libros que, dada a súa natureza e actividade deva levar necesariamente por imperativo da normativa laboral ou fiscal, levará os seguintes:

- Rexistro de Correspondencia Oficial de entrada e saída.
- Rexistro ou censo actualizado de Clubes e Asociacións Deportivas, no que constarán as súas denominacións, domicilios, datos persoais dos compoñentes dos órganos de representación e goberno, e datas de toma de posesión dos seus cargos e cese dos mesmos.
- Rexistro ou censo actualizado de deportistas coa mención dos seus nomes, números de D.N.I., idade, Clube ó que pertencen, categoría (maior, xuvenil, infantil), anos de afiliación, e demais que se consideren necesarios.
- Libros de actas das reunións dos órganos superiores colexiados de representación e goberno da F.G.M.
- Libros oficiais de contabilidade.
- Calquera outro que se determine legal ou regulamentariamente.

Artigo 105º.- Os anteriores Rexistros Documentais poderán levarse en soporte informático, salvo prohibición legal ou regulamentaria.





Artigo 106º.- A publicidade dos Libros e Rexistros que teñan tal carácter, poderán levarse a cabo mediante certificación liberada polo Secretario Xeral, relativo ós puntos concretos que se soliciten.

Artigo 107º.- A exhibición directa dos Libros e Rexistros ós afiliados á F.G.M. deberá solicitarse mediante escrito motivado, e será acordado pola Xunta Directiva, debendo realizarse, en calquera caso, nos locais da F.G.M., baixo a custodia e presenza do Secretario Xeral, na data e hora que se estableza.

Artigo 108º.- Os Rexistros, libros e documentos estarán a disposición, en todo momento, da Secretaría Xeral para o Deporte, para o seu exame e supervisión.

TÍTULO XIII

RÉXIME DISCIPLINARIO

Artigo 109º.- A potestade disciplinaria da F.G.M., dentro do seu ámbito territorial, amparase polo disposto nos artigos 65 e seguintes da Lei 3/2012, do 2 de abril, do deporte de Galicia e as súas normas de desenvolvemento e supletoriamente pola normativa estatal na materia.

CAPÍTULO PRIMEIRO INFRACCIÓNS E SANCIÓN DISCIPLINARIAS

Artigo 110º.- Son faltas disciplinarias as infraccións das regras do xogo ou competición e as infraccións das normas xerais de conduta deportiva tipificadas nestes estatutos e na lei do deporte.

Artigo 111º.- Naturaleza e clasificación das infraccións.

1. As infraccións clasifícanse en moi graves, graves e leves. As sancións correspondentes aplicaranse en función da clasificación das infraccións.

2. Consideraranse infraccións moi graves as seguintes:

a. Ás actuacións dirixidas a predeterminar, mediante prezo, intimidación ou simple acordo ou decisión o resultado dunha proba, encontro ou competición.

b. Os comportamentos e actitudes agresivos e antideportivos ou discriminatorios dos xogadores ou técnicos, cando se dirixan ao árbitro, aos xurados, a outros xogadores, técnicos ou ao público:

c. Os quebrantamentos de sancións impostas.


d. A manipulación ou alteración, xa sexa persoalmente ou a través de persoa interposta, do material ou equipamento deportivo en contra das regras técnicas de cada deporte cando poidan alterar a seguridade da proba, encontro ou competición ou poñan en perigo a integridade das persoas.

e. Non executar ou desobedecer as resolucións no ámbito disciplinario do Comité Galego de Xustiza Deportiva.

f. A inasistencia sen xusta causa dos deportistas ás convocatorias da selección galega ou a negativa da entidade deportiva a facilitar a súa asistencia.

g. A alifación indebida e non comparecer ou retirarse inxustificadamente das probas, encontros ou competicións.

h. A reincidencia na comisión de faltas graves. Enténdese que hai reincidencia na comisión cando se



sancione mediante resolución firme pola comisión de tres ou máis infraccións graves no período dun ano.

Da infracción á que se refire a letra e) poderá ser responsable a presidenta ou o presidente da federación, sen prexuízo das responsabilidades en que poidan incorrer outras persoas físicas integrantes dos órganos federativos.

3. Consideraranse infraccións graves as seguintes:

- a. A falta de remisión en prazo ou de forma manifestamente incompleta, sen xusta causa, dos expedientes ou da información requirida polo Comité Galego de Xustiza Deportiva.
- b. O incumprimento de ordes e instrucións emanadas dos órganos deportivos competentes.
- c. Actuar de forma pública e notoria contra a dignidade e decoro propios da actividade deportiva.
- d. A reiteración de faltas leves. Entenderase que hai reiteración cando sexa sancionado mediante resolución firme pola comisión de tres ou máis infraccións leves no período dun ano.

Das infraccións ás que se refiren as letras a) e b) poderá ser responsable a presidenta ou o presidente da federación, sen prexuízo das responsabilidades en que poidan incorrer outras persoas físicas integrantes dos órganos federativos.

4. Consideraranse infraccións leves as seguintes:

- a. As condutas contrarias ás normas deportivas que non estean incursas na cualificación de moi graves ou graves.
- b. A incorrección co público, compañeiros e subordinados.
- c. A adopción dunha actitude pasiva no cumprimento das ordes e instrucións recibidas de xuíces, árbitros e autoridades deportivas no exercicio das súas funcións.


Artigo 112º.- Sancións.

1. Pola comisión de faltas moi graves imponse as seguintes sancións:

- a. Multa en contía non superior a 1.500 euros.
- b. Perda de puntos ou postos de clasificación.
- c. Clausura do recinto deportivo por un período máximo dunha tempada.
- d. Suspensión ou privación da licenza federativa ou, no seu caso, da inscrición no Rexistro de Entidades Deportivas de Galicia, ou da habilitación para ocupar cargos nunha federación deportiva por un prazo máximo de cinco anos.
- e. Privación da licenza federativa, cancelación da inscrición no Rexistro de Entidades Deportivas de Galicia ou privación da habilitación para ocupar cargos na federación deportiva a perpetuidade. Esta sanción unicamente poderá acordarse, de modo excepcional, pola reincidencia en infraccións de extrema gravidade.
- f. Inhabilitación por un período de dous a catro anos, cando as infraccións sexan cometidas por directivos.
- g. Destitución do cargo, cando as infraccións sexan cometidas polos directivos.

2. Pola comisión de faltas graves imponse as seguintes sancións:

- a. Amoestación pública.
- b. Multa en contía non superior a 1.000 euros.
- c. Clausura do recinto deportivo ata un máximo de catro encontros ou tres meses.
- d. Suspensión ou privación da licenza federativa e/ou, se é o caso, da inscrición no Rexistro de Entidades Deportivas de Galicia, e inhabilitación para ocupar cargos dun mes a dous anos.



3. Pola comisión de faltas leves impoñeranse as seguintes sancións:
 - a. Apercibimento.
 - b. Inhabilitación para ocupar cargos federativos ou suspensión de ata un mes, ou dun a tres encontros ou probas.
4. As federacións deportivas poderán establecer un sistema de infraccións e sancións que, como mínimo, deberá recoller o disposto na presente lei.
5. As multas soamente poderán impoñerse ás entidades deportivas e aos que, conforme a esta lei, sexan considerados deportistas profesionais ou técnicos profesionais.

Artigo 113º.- Principio de proporcionalidade.

Para graduar as sancións téranse en conta as circunstancias concorrentes, a natureza dos feitos, as consecuencias e os efectos producidos, a existencia de intencionalidade, a reincidencia e a ocorrencia de circunstancias agravantes ou atenuantes. En función das circunstancias previstas, as sancións aplicaranse nos seus graos máximo, mínimo ou medio. Se é o caso, de concorrer circunstancias atenuantes cualificadas, poderase aplicar a sanción inferior nun grao á prevista.

Artigo 114º.- Circunstancias modificativas da responsabilidade:

1. Serán consideradas como circunstancias atenuantes o arrepentimento espontáneo e a existencia de provocación abondo inmediatamente anterior á comisión da infracción.
2. Serán consideradas como circunstancias agravantes da responsabilidade a reincidencia, o prezo, o prexuízo económico ocasionado e o número de persoas afectadas pola infracción respectiva.
3. Entenderase producida a reincidencia cando a persoa infractora cometa, polo menos, unha infracción da mesma natureza declarada por resolución firme, no termo dun ano.
4. Os órganos disciplinarios sancionadores poderán, no exercicio da súa función, aplicar a sanción no grao que consideren axeitado, ponderando, en todo caso, a natureza dos feitos, a personalidade do responsable, as consecuencias da infracción e a concorrencia de circunstancias atenuantes ou agravantes.



Artigo 115º.- Causas de extinción da responsabilidade.

A responsabilidade disciplinaria extinguese:

- a. Polo cumprimento da sanción.
- b. Polo falecemento da persoa inculpada.
- c. Por disolución da entidade ou da federación deportiva sancionadas.
- d. Por prescrición das infraccións ou sancións.

Artigo 116º.- Prescrición de infraccións e sancións.

1. As infraccións moi graves prescribirán aos tres anos, as graves prescribirán ao ano e, as leves, ao mes.
2. O termo de prescrición comeza a contar o día en que se cometeron os feitos e interrómpeuse no momento en que se acorda iniciar o procedemento sancionador. O seu cómputo continuarase se o expediente permanecese paralizado durante un mes por causa non imputable ao presunto responsable.
3. As sancións prescribirán aos tres anos, ao ano ou ao mes, segundo se trate das que correspondan a infraccións moi graves, graves ou leves. O prazo de prescrición comezará a contar dende o día seguinte a aquel en que adquira firmeza a resolución pola que se impuxo a sanción, ou dende o momento en que se quebrantase o seu cumprimento, se este xa tivese comezado.



CAPÍTULO SEGUNDO
PROCEDEMENTOS DISCIPLINARIOS DEPORTIVOS

Artigo 117º.- Procedemento disciplinario.

A imposición de sancións pola comisión das infraccións previstas no capítulo III do título VII da presente lei axustarase aos procedementos que se conteñen no presente capítulo.

Artigo 118º.- Clases de procedementos.

1. Os procedementos para a imposición de sancións serán o abreviado e o ordinario.
2. O procedemento abreviado é aplicable para a imposición das sancións por infracción das regras do xogo ou da competición. A súa concreción deberá realizarse nos estatutos das federacións deportivas atendendo ao previsto no artigo 106, e, na súa regulación, deberá asegurar o normal desenvolvemento da competición. En todo caso, deberá asegurarse o trámite de audiencia ás persoas interesadas e o dereito ao recurso.
3. O procedemento ordinario será de aplicación para as sancións correspondentes ás infraccións das normas xerais de conduta deportiva.

Artigo 119º.- Regras comúns aos procedementos.

1. No non previsto na presente lei, serán de aplicación supletoria as normas contidas na Lei 30/1992, de 26 de novembro, de réxime xurídico das administracións públicas e do procedemento administrativo común, e no Real Decreto 1398/1993, de 4 agosto, polo que se aprobou o Regulamento do procedemento para o exercicio da potestade sancionadora.
2. Os procedementos sancionadores respectarán a presunción de inexistencia de responsabilidade administrativa mentres non se demostre o contrario.
3. As sancións impostas a través do correspondente procedemento disciplinario serán inmediatamente executivas, salvo que o órgano encargado da resolución do recurso acorde a suspensión.
4. As actas subscribas polos xuíces ou árbitros do encontro, proba ou competición constituirán medio documental necesario en conxunto da proba das infraccións ás regras e normas deportivas. Igual natureza terán as ampliacións ou aclaracións a aquelas.
As manifestacións do árbitro ou xuíz plasmadas nas citadas actas presúmense certas, salvo proba en contrario.

Artigo 120º.- Procedemento abreviado.


As regras ás que debe axustarse o procedemento abreviado son as seguintes:

1. Iniciación:

- a. O procedemento abreviado iníciase coa notificación da acta da proba ou competición, que reflecta os feitos que poden dar lugar a sanción, subscriba polo xuíz ou árbitro e polos competidores ou polos delegados dos clubs.

No suposto de que os feitos que poidan dar lugar a sanción non estean reflectidos na acta, senón mediante anexo, o procedemento iníciase no momento en que teña entrada na correspondente federación o anexo da acta do partido ou documento no que queden reflectidos os feitos obxecto de axuizamento.

- b. Tamén pode iniciarse a instancia da parte interesada, sempre que a denuncia se presente nas dependencias da federación correspondente dentro do segundo día hábil seguinte ao día en que se tivese celebrado a proba ou competición.



2. Tramitación e resolución:

a. No prazo de dous días, que se contarán dende a notificación prevista no apartado anterior, as persoas interesadas poderán formular alegacións en relación cos feitos consignados na acta, o anexo ou a denuncia. Tamén poderán propoñer ou achegar, se é o caso, as probas pertinentes.

A proba deberá practicarse no prazo máximo dos dous días hábiles seguintes ao da súa admisión.

b. O órgano competente, no prazo máximo de dous días, que se contarán a partir da presentación de alegacións ou da práctica da proba ou da súa denegación, ao órgano competente para resolver a proposta de resolución, para que, dentro do día seguinte, se dite resolución na cal se deben expresar os feitos imputados, os preceptos infrinxidos e os que habilitan a sanción que se impoña. Así mesmo, deben expresarse na mesma resolución os motivos de denegación das probas non admitidas se non se tivese realizado con anterioridade.

A resolución deberase notificar ás persoas interesadas, con expresión dos recursos que se poidan formular contra ela e do prazo para a súa interposición.

Artigo 121º.- Procedemento Ordinario

As regras ás que debe axustarse o procedemento ordinario son as seguintes:

1. Iniciación:

a. O procedemento iniciase por acordo do órgano competente, de oficio ou a instancia da persoa interesada.

b. O acordo que inicie o procedemento conterá a identidade do instrutor, se é o caso do secretario, da autoridade competente para impoñer a sanción e a norma que lle atribúa tal competencia, o prego de cargos que conterá a determinación dos feitos imputados, a identificación da persoa ou persoas presuntamente responsables, así como as posibles sancións aplicables. Este acordo deberá serlle notificado á persoa interesada.

Serán de aplicación ao instrutor e ao secretario as causas de abstención e recusación e procedemento establecidas no capítulo III do título II, artigos 28 e 29, da Lei 30/1992, do 26 de novembro, de réxime xurídico das administracións públicas e do procedemento administrativo común.

2. Tramitación:



a. Durante a tramitación do procedemento, o órgano competente para incoalo, de oficio ou a instancia do instrutor, poderá acordar en resolución motivada as medidas que considere oportunas para asegurar a eficacia da resolución que poida recaer.

b. O acordo de iniciación notificarase ás persoas interesadas e concederáselles un prazo de dez días para contestar aos feitos e propoñer a práctica das probas que conveña á defensa dos seus dereitos e intereses.

c. Practicaranse de oficio ou admitiranse por proposta da persoa interesada cantas probas sexan adecuadas para a determinación de feitos e posibles responsabilidades. Só se poderán declarar improcedentes aquelas probas que pola súa relación cos feitos non poidan alterar a resolución final a favor do presunto responsable.

d. Contestado o prego de cargos ou transcorrido o prazo para facelo, ou concluída a fase probatoria, o instrutor redactará a proposta de resolución ben apreciando a existencia dalgunha infracción imputable -e neste caso conterá necesariamente os feitos declarados probados, as infraccións que constitúan e disposicións que as tipifiquen, as persoas que resulten presuntamente responsables e as sancións que procede impoñer ben propoñendo a declaración de inexistencia de infracción ou responsabilidade e o sobresemento con arquivo das actuacións.

A proposta de resolución notificaráselles ás persoas interesadas e concederáselles un prazo de dez



días para formular alegacións e presentar os documentos que consideren pertinentes.

3 Resolución:

a. Recibidas polo instrutor as alegacións ou transcorrido o prazo de audiencia, elevará o expediente ao órgano competente para resolver.

b. A resolución do órgano competente pon fin ao procedemento común, e ditárase no prazo máximo de 10 días hábiles.

Artigo 122º.- Lexitimación para recorrer as sancións.

Están lexitimadas para interpoñer recurso en materia disciplinaria as persoas directamente afectadas pola sanción. Enténdese, en todo caso, por tales os deportistas, as súas entidades deportivas e as entidades deportivas participantes na competición.

TÍTULO XIV

CAUSAS DE EXTINCIÓN E DISOLUCIÓN

Artigo 123º.- A F.G.M. extinguirase e procederá a súa disolución por calquera das seguintes causas:

1º).- Por revocación do seu recoñecemento por parte das autoridades deportivas da Xunta de Galicia.

2º).- Por acordo da maioría de dous tercios dos membros da Asemblea Xeral, reunida en sesión extraordinaria.

3º).- Por resolución xudicial ou administrativa.

4º).- Por integración ou fusión con outra federación deportiva galega.

5º).- Por calquera outra que estableza o ordenamento xurídico.

Artigo 124º.- No caso de disolución e extinción da F.G.M., unha vez liquidado o seu patrimonio, a parte restante, de habela, destinarase ós fins de carácter deportivo que determine a Dirección Xeral de Deportes.

TÍTULO XV

APROBACIÓN E REFORMA DE ESTATUTOS

CAPÍTULO PRIMEIRO

APROBACIÓN DE ESTATUTOS

Artigo 125º.- A aprobación dos Estatutos da F.G.M. farase por Asemblea Xeral reunida en sesión extraordinaria, que deberá ser convocada para tal fin, expresando este punto na Orde do Día.

Artigo 126º.- O proxecto de Estatutos a aprobar, no seu caso, será remitido a cada un dos membros da Asemblea, para o seu coñecemento, cunha antelación, ó menos, dunha semana á data para a que fora convocada a reunión.

Artigo 127º.- A Asemblea constituirase válidamente a estes efectos cando concorran tres cuartas partes dos seus membros en primeira convocatoria, e dous tercios en segunda.



Artigo 128º.- Para a aprobación dos Estatutos por parte da Asemblea Xeral será necesario o voto favorable dun número de membros que represente a maioría absoluta.

Artigo 129º.- Unha vez aprobados os Estatutos, remitiranse estes á Dirección Xeral de Deportes da Xunta de Galicia para o seu coñecemento e inscrición no Rexistro de Asociacións Deportivas.

CAPÍTULO SEGUNDO **REFORMA DOS ESTATUTOS**

Artigo 130º.- Os Estatutos da F.G.M. unicamente poderán modificarse por acordo da Asemblea Xeral, reunida en sesión extraordinaria, previa inclusión na Orde do Día da modificación que se pretende.

Artigo 131º.- A proposta para a modificación estatutaria, salvo cando esta teña que ser realizada por imperativo legal, poderá ser suxestionada por:

- 1).- Un tercio dos membros da Asemblea Xeral.
- 2).- Pola Xunta Directiva.
- 3).- Cinco ou máis Clubes ou Asociacións Deportivas.

Artigo 132º.- Á proposta de modificación acompañarase o texto da mesma, o cal someterase ó estudio e dictame por parte da asesoría xurídica da F.G.M..

Da proposta de modificación e do dictame xurídico darase traslado a cada un dos membros da Asemblea Xeral quen, deberán contar cun prazo non inferior a dez días para facer chegar á F.G.M. as emendas ou suxestións que estimen pertinentes.

Entre a data de recepción da proposta de modificación na sé da F.G.M. e a reunión da Asemblea Xeral na que se debata non poderán transcorrer máis de tres meses, polo cal, se non estivese prevista algunha reunión da Asemblea Xeral dentro deste prazo, deberase convocar para tal fin.

Artigo 133º.- Entenderase que a Asemblea queda validamente constituída, ós efectos de debater e aprobar, no seu caso, a modificación, cando concorran tres cuartas partes dos seus membros, en primeira convocatoria, e dous tercios en segunda.


Artigo 134º.- A Asemblea Xeral abrirá a sesión coa lectura do texto da modificación proposta así como das emendas e suxestións efectuadas. Posteriormente tralo debate procederase á votación.

Artigo 135º.- A aprobación pola Asemblea Xeral da modificación proposta requirirá o voto favorable da maioría absoluta dos seus membros.

Artigo 136º.- A reforma requirirá, unha vez aprobada, a ratificación pola Secretaría Xeral para o Deporte ou polo órgano da Administración autonómica competente en materia deportiva.

Disposición común

Os termos e prazos establecidos nos presentes estatutos entenderanse referidos a días naturais.




Disposicións derradeiras

Primeira. Os presentes estatutos entrarán en vigor o día seguinte ó da notificación da súa aprobación pola Secretaría Xeral para O deporte, sen prexuízo da súa posterior publicación no Diario Oficial de Galicia.

Segunda. Estes estatutos foron adaptados a Lei 3/2012 do deporte de Galicia e aprobados pola asemblea xeral extraordinaria da Federación Galega de Montañismo o día 13 de abril de 2013

En Vigo, a 13 de abril de 2013


O Presidente



Fdo. Adolfo Puch Domínguez



A Secretaria Xeral



María Isabel Alonso Otero

DILIXENCIA para facer constar que os presentes Estatutos da entidade FEDERACION GALEGA DE MONTANISMO foron ratificados e inscritos co núm. 4.00279 no Rexistro de Entidades Deportivas de Galicia, de conformidade co disposto na Lei 3/2012, do 2 de abril, do deporte de Galicia (DOG 13-04-2012).

Santiago, a 15 de XANEIRO de 2014.

O/A FUNCIONARIO/A,

